



90734

陸次山集

蜀遊詩

七夕詞

天孫下嫁路阻難
瑤琴獨抱誰與彈
梧雲墮地綠如水
起弄明月清光寒
夜深細把疎星數
今夕何夕忽今古
天上難銷兒女情
神仙尚有別離苦
花搖紅霧濕羅衣
耿耿銀河澹曙暉
長生殿裏香盟負
恨水難填鵲自飛

苦瓜

巴人嗜苦瓜耐苦
茹不吐竹飀花豬
同一釜佳餚無辜遭

陸次山集

詩


遷怒五味本相和
此味獨不取蜀都
亦樂土霜有蔗兮醬
有蒟啞酒雖薄糟堪
哺曷不飲和含甘脂
撒此苦物清肺腑
胡爲好惡習多偏
偏慕羊羶遺鹿脯
吁嗟乎勾踐采蕞誓
報仇苦心食苦苦不苦

早秋曉霽倚枕得句

新秋初到一宵雨
殘暑已消三日晴
倚枕看山都入畫
捲簾聽鳥各呼名
詩情活處花能語
酒興狂時劍有聲
未學神仙先學養
自淘瓦罐煮黃精

秋懷

月色橫珠簾
梧葉響金井
秋聲枕上來
花影壓衾冷



橋斷莫渡河雲破難成羅秋夢不知遠飛過青山多
開門怯步月花底抱琴臥草露濕弓鞞恐印綠苔破
愛鏡爲愛貌寄書卽奇心思君正年少頭白何須吟

登平梁城

客歲秋入蜀名山多寓目性癖耽孤吟天地作詩屋風雲
入奇想歷歷記滿腹歲杪抵巴州謁祖方判牘來從山水
窟煙霞卷成軸今年住山中時復探巖谷偶言平梁城策
馬命僮僕鞍背酒一瓶手披山千簇時際新雨晴雲氣動
盈掬長歌逼空翠清聲振林木磴道蟠虛空歷盡亂山曲
豁然開平途一碧歸俯囑極目戰場秋擾我愁思觸白骨

陸次山集

詩

二

草底埋青山馬頭矗地險境復僻豺虎巖下伏對此荒煙
墟感昔遭殺戮大父請纓時川澤蕩血肉誓心滅羣賊佩
刀走林麓露布馳深宵霜威凍朝旭此土常守營哀彼民
命促流星賊焰張勝敗時反覆一失方山坪大勢已危蹙
再失嘉陵江悔遲恨難贖諸將壁上觀行軍太約束孱弱
守潼河難當一面獨招降反激戰誰實起謠啄賊帳呼青
天忌功致覆餗公論在人心終鄙豎子俗禍胎始東鄉官
軍太殘酷偏師卽瓦解不及賊兵肅自是恣焚掠勢猛如
破竹梟逆忽蜂起郊原縱馳逐犁鋤不得施田荒何秋熟
發也亦爲害素顏皎如玉扈跋信人妖羣鼠供鞭扑微彼

桂涵與羅思舉生靈命難續得力實鄉農勇敢奮其族團

寨弊亦生實心在糾督慎保要害區免使生靈毒十年賊
始盡一洗大將辱剖心招英魂秋草不能綠哀哉征戍死
戰骨亂馬足卽今廿年後懷古空躑躅山坡耕作田野人
拾遺鏃春秋陰雨寒常聞鬼夜哭斜日挂西峰那忍久獨
鹿悵然勒馬回痛飲千杯醉

話雨軒秋興

屋小圍花氣簾疎納雨聲綠苔鋪地滑黃葉墮枝輕妄想
忙中減塵思睡後清紫薇開百日秋到樹先鳴

作客衣知冷消人墨細磨夢眞嗤化蝶書厭謝籠鵝鬪智

陸次山集

詩

三

嚴詩律澄心遣酒魔移家疑碧漢瀉水聽天河

乍晴欲雨
雲中有聲

如波濤巴人
呼爲天河聲

綠草庭前短紅蕉鏡裏香身閒三逕足事少寸陰長蟲語
驚秋細梧雲得雨涼劍山霜信動萬里割人腸

茶話香生舌名心澹洗秋吹簫蘇酒氣作畫寄鄉愁花抱
窗三面書堆屋兩頭尚嗟形役苦時作探山遊

弄月隨花影尋詩印夢痕山奇峰補缺牀暗樹當門望雁

心千里觀魚趣一盆芭蕉窗外大燈影綠黃昏

絲竹空生感雲山好卜居秋風蕪煮鱸旅食筍燒豬學拙

偏耽養無食便有餘白華何日補努力理殘書

游東洞

醉騎長耳驢輕身縱幽賞秋風吹我衣小憩東山上脫驂
步深谿一鳥咽清響巖藤絆長帶石泉滌遐想仄境曲折
通一洞谷中做乍入便深邃古佛挂蛛蝻勝境窮益深窈
窕迷所往呼僕繼以燭次第辨情狀領畧暗中趣出山曠
俯仰借問境誰鑿或恐華山掌大哉鴻鈞力鑄器羣其象
黃金築樓臺瞥眼風雲蕩惜此造化奇隨物萎荆莽且把
萬古宅勞生息塵鞅

秋雨連宵兀坐不寐偶憶雨淋鈴曲感賦

濕雲壓窗秋雨淋雨聲滴碎他鄉心梧桐葉響蕉影黑枕
陸次山集

詩

四

醒秋夢何處尋更深偶憶雨鈴曲情緒溢懷長恨觸欲同
生死不從心劫數困人何太酷憶昔明皇擁帝京百官袖
手歌太平新婚不暖垂老別深宮攜手尋香盟自謂宴樂
長如是羯鼓未了鼙鼓起玉顏恩促殉君恩錦裯裹葬血
流水蜀道回鑿淒斷魂鈴聲雨聲淋黃昏亂離不顧隻身
死花間笑語空承恩帝王夫婦如此賤六軍不管閒釵鈿
宗社頽洞王室昏戈鋌幾把江山變古來好色貴同民願
化桃花水盡春芳魂莫使怨命薄女禍傾城罪美人

雨霽登凌雲塔

長空蕩秋雨萬山青茫茫一塔峙山巔翼勢凌穹蒼我馬

亦駛逸策鞭登高岡脫身上絕頂俯聽天風涼談笑落天
半羣峰低飛翔巴江影忽斷一駭蛟龍藏仰首捫井絡側
身捧朝陽倒挽河漢水滌胸漑靈光飛骨亦何願誓其游
太荒

夜坐有寄

屋抱深林綠滿帷一窗花韻透簾遲秋風驟逼蟲聲細斜
月徐拖樹影移翦燭細翻良友札苦吟又復古人詩憑欄
也識新涼味莫向樓頭折柳枝

杪秋偶成

樹葉飛紅夜落霜檢書滿架自薰香酒餘茶半秋心嬾獨

陸次山集

詩

五

背簾陰數海棠

美人蕉瘦妬花風天半雙飛看塞鴻幸有隔牆秋雨急芙
蓉分折一枝紅

欲懷秋橘客他鄉一袖西風逼晚涼不算良辰輕擲去菊
花香裏過重陽

惜花心事酒杯知秋老簾前水一池頗喜催租人不到滿
城風雨夜吟詩

消愁寫盡剡溪藤忽憶蓴鱸感季鷹苦想故園風味美炊
菱煑蟹話秋燈

蜀中雜詠

神工誰比五丁雄
硬闢蠶叢一線通
烏道鑿開巴子國
龍歸唱斷蜀王宮
岷山夜吼江濤白
巫峽秋高石氣紅
不盡登臨無限興
詩情隱約暮煙中

邊城草木萬軍屯
怪石嶙峋虎豹蹲
天險盤空橫棧閣
靈關奪隘鎖夔門
堦花碧染萋宏血
春樹紅招望帝魂
看盡奇山輸入峽
雄心頓歇笑桓溫

短衣射虎蜀中行
陡絕關河路未平
棧道凍雲僵馬勒
巴船衝雨亂猿聲
雄圖保障聊憑險
邊境機宜在制兵
休倚稻花香不斷
山田水足息躬耕

白鹹赤甲鬱蒼茫
第一詞人弔古場
名士有才終帝漢
羣陸次山集

詩

六

雄無子竟降唐爭
傳鄧氏錢空賜敢信
彭山數讖亡歸路
不須披蜀錦煙霞零
亂滿奚囊

石破天驚補女媧
詩狂題滿古三巴
秦關遠逐山頭鹿
漢業潛誅井底蛙
月黯疑陵饑鬼火
草荒廢苑舊官家
難銷只有忠魂血
紅濺春風戰壘花

石磴穿雲策蹇遲
峰頭獨立悵多時
地包蠻界羗苗雜
官激民心殺伐危
異國哺烏憐李密
孝泉飲馬弔姜詩
感懷今古長歌闕
剔薜巖阿讀斷碑

鞭走雲根亂石靈
虎聲入夜谷風腥
雨鈴更慘無家別
劍閣親題有德銘
薜井製牋春水活
郛筒沽釀宿愁醒
惠陵

獨灑英雄淚椒酒澆殘短草青

振古全才數幾人千秋憑弔獨傷神題橋健筆卑封禪造
字元經惜美新李白流軍唐學士王尊叱馭漢忠臣誰知
賣卜高賢在還向成都訪隱淪

喜談風土每吟哦到處游山袖筆過巴里邨花梔子曲渝
城暮雨竹枝歌卻憐才女貞心少自古詩人寓客多莫訝
詠諧游戲甚忠州江上又東坡

悵望虞淵日易曛美人名士盡荒墳故宮雨冷殘秋黍斷
鏃沙埋古壘雲好客尚思嚴僕射倖功誰弔鄧將軍金魚
濯水人何處鷓鴣浮波白結羣

陸次山集

詩

七

騷人得氣例悲秋聊放襟懷萬里遊快馬穿雲雙劍鏽亂
峰飛雨一衫愁時登傑閣身長健誰倒奇山水不流且看
海棠嬌欲絕當壚酒綠脫征裘

莫教愁壓兩眉低檢點煙雲細品題桐樹夜畱么鳳宿蜀
山曉聽杜鵑啼然膏讀畫遲鷄唱背酒尋詩健馬蹄一瓣
心香傳配祀秋風茅屋浣花溪

從軍詩

九月十八日夜聞新疆於八月十日兵畔因派鄰
省兵往勦余有請纓之志不果乃做王粲從軍之

例竊比杜陵出塞之章紀詩七首聊志鄙懷

夜半忽起坐一城寒有聲出門問羣吏云點新疆兵羽書
告邊急強虜圍我城前軍已云挫烽火連天驚優柔釀大
禍先人事易成立功壯絕域踴躍請前行

荷戈出玉門心無死生存豈無室家念身受 君王恩年
壯爲時用何敢惜新婚前年凱歌還青草洗淚痕今年執
殳去陣雲千山屯安得銷劍戟時豐割雞豚

猛士選勁弩健卒品寶刀兵強在能制功成貴不驕齊心
埽狡窟修矛歌同袍師和氣自奮肅肅軍聲號寒雲凍不
動落日麾旌旄射雕衆軍賀萬里霜天高

朔風沙草黃滿眼箭如雨亂山積冰雪征人毛髮豎戰骨

陸次山集

詩

八

忍且強戈鋌不辭苦頑苗畏斧鉞本難化于羽軍威教貔
虎隨時獻戎虜功成酬 廟畧受封謝尺土

隄雲下戰場白骨冷荒草兵銛非祥刑平苗示 天討邊
臣盡頗牧豺豸一時埽男兒貴自立干戈促人老封侯意
中事努力沙漠道名圖 紫光閣吾身恐不早

請纓書生事一劍判窮達北平卽無命壯志厲空闊肝膽
託飛檄詩境闢天末休笑處如女運籌氣先奪馬革裹屍
還身死赤心活土生爲 國用罔敢避刀割

彎弓與識字迂願非易酬明年會掄才一身增兩憂笳鼓
競絕塞瓊桂芬清秋難卻兒女情磨盾誇風流山河半跋

涉不出長城遊投筆志空負悵懷定遠侯

與杏坡兄言寒

枕畔數更殘天涯旅思攢夢醒萬里月愁迸一宵寒對酒
賜空熱聯牀劍自彈遙憐關塞戍風雪滿征鞍

雪夜寒厲不寐得句

夜色微茫月墮樓萬山一氣凍寒流也籌么寇兵無備正
好銜枚入蔡州

寒風乍定勢逾嚴屋角梅花重壓簷繡被香濃醇酒熱有
人詠絮下珠簾

梅花四首

陸次山集

詩

九

前身人是癡煙霞不待春來已放花誰向深山尋雪貌卻
憐冷豔稱風華清才宰相同千古寒女神仙合一家自挺
奇姿爭歲暮肯依修竹久橫斜

無情霜雪漫相摧能挽陽和讓老梅瘦幹健撐雲影破寒
香徐逐月陰來夢尋紙帳歸山逕春返吟魂入酒杯莫羨
冷中能媵媵羅浮仙子手親栽

雪自凝寒月自明已教醞釀作和羹修成仙骨何嫌做抱
住冰心未了情韻遠不辭春冷淡品高纔許態縱橫時人
枉被憐孤潔別有眞香一味清

傷山背水媚丰姿一卷離騷竟見遺玉貌有情如索笑鐵

心難贈費相思香能洗骨清多妙詩到傳神澹益奇冷殺
西湖林處士梅妻恐未合時宜

席上聽談新疆風景紀塞外詞十章

談兵馬上擁金貂指點征塵萬里遙日暮紅雲鋪四塞仰
驚弓影落雙雕

檀繳毬場罷獵圍爭裁蕃錦繡弓衣三年飽聽陽關曲奪
得花翎插帽歸

日黯陰霾萬木僵慘聞篳篥譜伊涼昭忠祠外風如海活
尉心肝祭陣亡

月黑深宵咽塞笳天山一片澹平沙肥羊大酒胡姬唱帳

陸次山集



詩

十

外風聲亂雪花

兜鍪脫手臥戎衣幾載龍沙望凱歸戰骨亂堆新鬼哭夢
魂一樣到春閨

燭影橫身解劍囊大營夜譙鬢飛霜珠鬢新樣天魔舞練
熟烏斯古戰場

醉向矛頭草檄文青瞳猶說漢將軍

單于目睛皆黃間有青者相傳李陵之後塞外娶者惟子可攜歸

蕃娘便嫁封侯壻不度中原一帳雲

縛降王繫頸來

幾人麟閣狀丹青血戰風凋短草腥可有奇文題絕域燕

然重勒紀功銘

玉門關護舊長城古月吞山夜靖兵變起逆回旋獻馘不
勞戈馬賦西征

時張格
爾初平

雪

凍雲浮夕陰簷角霰聲歇冷風生空庭夜深峭寒積殘燈
青倚幃簾疎澹疑月夢墮清虛中疲驢冷趣適梅花香滿
山山氣寒徹骨睡醒肩起粟抱衾似眠石兀坐呼酒澆夜
色透窗白晨起一遠眺獨作禦寒客空花散太虛天女香
無迹惻彼農夫心春畦各祈麥

除夕

陸次山集

詩

十一

綠蟻焙新酒紅鸞賀歲箋孺懷嗟萬里初度又經年

余生於丁

卯除夕

時去人空惜詩成我欲眠梅花寄鄉夢歸思在春先

元旦出遊

佳境新來酒細澆青山驢背一詩瓢神遊故里梅千樹春
到前溪柳幾條天氣自然除舊歲人心最好是今朝鄉邨
賀喜豐年樂笑看兒童學折腰

重登平梁城

古寨春陰暗不開忽驚旭日露崔嵬一條白雨穿衣過萬
點青山引馬來地險那愁城可破時清還望將多才蒼涼
猶似殘秋景何處邨莊有野梅

元夜

火樹輝煌金鼓喧記從此夜奪崑崙牀頭劍氣明於雪佳節惟酬酒一樽

詩夢

有序

將還家前夕夢一麗人牽帷入曰仰君名久矣今將南旋有詩請續之誦云空山期故人花落滿牀雨余曰此不可續者也敢謝不敏固請應聲曰我將渡巴江歸心一春苦其人曰可矣問其姓名俯而不答微頷而去聞先朝盧刺史爾惇之女色藝雙絕後隨父殉獻賊難埋玉城西大父曾勒碑紀

陸次山集

詩

三

事豈其人耶

靜掩書窗熟睡時一燈欲死綠鬟窺東齋贈墨癡無福西蜀題名倖有詩思入棧雲秦樹遠夢迴春雨峽江遲久刪宋玉高唐賦虛送仙風暗下帷

空中翰墨結蘭因竟向西方遇美人野草墳荒香雨冷梅花閣小破山春娉婷詩鬼嬌無力慘淡愁魂瘦入神也是天涯隨宦者亂離淒絕女郎身

刺史墳連古道笏曾攜社酒弔埋香月沈猿嘯山奔石花落鶻聲雨滿牀死後新詩容我續生前幽怨替誰長千秋多少難銷恨呼起殘燈入醉鄉

甘棧筆硯陋君苗壯志羞題司馬橋詩夢有緣添蜀話歸
期已準近花朝鴛衾淚冷癡情苦螭鼎香寒宿火銷明日
細登行篋記短篷夜雨別魂遙

正月二十一日放舟歸試畱別巴山

封侯一枕醒刀鋨飯冷黃梁夢始還

客秋欲從軍新疆不
果近聞邊事甚輕武

功已

定夜雨聯牀思骨月奇峰入畫戀雲山膝前捧檄歡宜

早塔上題名事亦艱空負棄襦關下者可將仙桂仰天攀

江口寄杏坡兄成都約渝城同舟東下

暫別猶憐遠看山惜手分平江春漲水亂石昔屯軍霧吼
千林雨風飛萬壑雲長隄芳草暖歸雁不離羣

陸次山集

詩

十三

巴江曉發

巴江春水綠扁舟衝曉寒空翠逼人來一身雲作團炊煙
濕黏雨欲渡山頂難舉頭見怪石側枕驚奔灘船尾一杯
酒歸心追飛翰

舊年住巴州思歸雲空望今年鼓枻歸繞舟春風香羣鳥
樂芳甸百草含晴光青山似故人把酒遙相償巖花豔可
掬一笑酬我觴疊嶂忽飛出遠峰天半翔

濕雲暗遙岫殘雨鬆香泥杏花寒不開杜鵑前邨啼脩篁
滴翠露綠柳舒柔荑舟從山谿來隔篷聞竹雞夾岼雜人
煙農夫忙春畦避世乃亂時嗟彼武陵谿

縱心游碧落衆物懷良時躍鱗出溝早游羽衝花遲和風
扇羣卉春雨滋芳枝吾生亦有託隨時揚清姿紅袖助詩
情對酌聊自怡一醉齊物我長空混二奇把卮酌晴江深
情春水知

春漲古岸平斜暎半眠水棹歌遏深巖聲繞碧雲裏小舟
放奔流一葉疾於駛披襟快生風爽籟兩腋起山猿視我
笑欲啼啼又止方知還家樂免慎陟岵岵

晨起得句

細雨桃花驛店春綠煙拖水柳絲新一篷載得詩歸去那
有風光贈路人

陸次山集

詩

古

渠縣

棹入渠江曲人如畫裏行濕煙低岫隱春漲小橋平渡險
愁孤島看山望曉晴連天芳草綠細雨杜鵑聲

廣安

猿嘯逼衣冷行蹤水一涯高峰寒欲雨春樹雜交花灘挾
孤舟陡雲堆斷岫斜炊煙三兩起山裏有人家

瀘州二絕

漢將征蠻競渡瀘出師五月急兵書君王安樂臣辛苦何
似南陽臥草廬

怪他賢相溺房幃夜過江陽弔伯奇春雨氣昏山月黑惡

禽啄子殞高枝

惡禽尹伯奇後母名

江津

野色擁邱壑邨居隱幾家風平煙火直澗急板橋斜夜雨垂
槿樹春心豔杏花前溪人最樂新婦摘山茶

舟行卽景

露桃紅繞釣魚磯渡口人家掩竹扉拍浪水貓穿石出

蜀江

捕魚用水貓性最驚銜泥春燕帶花飛一船臥酒香生枕四面當山

翠濕衣可是舟行嫌太急風和不挂片帆歸

下水船不用帆水溜故也

抵重慶

野市環城開高坡傍水偏風輕遲棹唱雨細暗邨煙舟勢

陸次山集

詩

五

排如陣歌聲軟似綿承歡方二代合到此山川

泊渝城十日題畫遣興

仙境歛然闢人行萬綠中遠山歸雨白春樹抱花紅雲活

嵐容笑溪迴石逕通一肩詩畫料隨馬有奚童

水綠潭心活坡青石骨春數峰藍欲滴一雨樹添新餉飯

呼樵叟分秧祀土神若論風雅事楊朴亦詩人

雲氣蒼茫裏幽居三兩家石坪經雨滑人影過橋斜空翠

谿藏路疎香樹孕花征途客小憩山館煮胡麻

積雨峰銜翠深溪水養雲天低千樹拓嵐破幾山分梵宇

衝林出漁歌入屋聞富春高隱窟我欲訪桐君

新晴茅舍重矮屋竹笆齊縛石藤垂壁飛花香滿溪暝煙
千樹合野水一橋低驛使穿林出春山健馬蹄
羣峰青不斷圍作翠屏風春雨滿山綠杏花隨處紅岸懸
新漲上籬短曲睇通性與林泉近聊摹想像中
小住煙霞窟機心鎮日忘澗流奔石怒林影壓隄長水遠
疑無岸雲深自有鄉樵漁隨是伴不礙作詩狂
絕似山陰道峰巒抱四圍人穿雲氣入風捲樹聲歸微雨
低嵐隱空林落葉飛吹笙渺何處晴翠濕秋衣
日動千峰碎山深萬木寒秋霜紅樹飽谿雨白雲殘抱甕
有時醉眠琴祇自彈將移此中住莫作畫圖看

陸次山集

詩

夫

一路游仙意塵中別有天江痕晴養日山色亂隨船過眼
皆詩境澄心即畫禪逃名非我輩翰墨證前緣

桓侯不語灘

刻字石
厓上

何人鑿石怒灘聲會說英雄歛氣行忠信一腔非敢仗風
波險處勵平生

涪州登觀瀾閣

雪銷春水活岷江迅東注涪水會其流樂彼朝宗遇高閣
縱遠眸自得觀瀾趣山原浮空青風厲日暮江平樹相
接急流沒古渡曠懷生遠心欲借濟勝具觀水必以時便
生逝者悟

鄧都

仙界非虛無達者乃其伍地獄信有之現境卽自取一自
開鴻濛竭力搏黃土日月闢昏曉陰陽鑿牖戶鑄出大牢
籠困之使跳舞一十二萬年輪迴倏今古劫灰墮紅羊鬼
哭天乃雨閭羅不厭煩日理點鬼簿猙獰張爾威敲扑耀
其武坐衙樂忘疲入者顏色沮炎涼太分明冰窖及銅柱
腥風慘不驕宰割恣刀斧鄧都親見之一一難覩縷生前
逞機械狡獪隱奸蠱歡笑戴骷髏奔溺大海苦纒腰折爭
憐曲眉畫鬪嫵千齡恃可矢名墮身忽腐死後無着力懺
悔不能補報應理或然毛髮燭肺腑吳生畫變相長安悚

陸次山集

詩

七

觀觀屠沽誓改業地中果有府神道廣設教佛笑金剛怒
造物既多事洗心力自努氣感響斯答蜀桐扣石鼓泠然
晨鐘清仙風起梵宇

忠州拜宣公墓

忠臣合謫古忠州見說懷忠尚有樓經世文章司一代平
情奏疏寶千秋暑施相業卑姚宋直契心傳接呂周萬里
風雲來掃墓烏衣舊族感山邱

石柱懷秦良玉

天使西川破扶危仗婦人衣冠雙豎子刀劍一孤身黃鶴
歌貞調青蛾愧將臣勤王軍士責不願畫麒麟

骨月悲生事，臙脂灑淚痕。抽刀長袖斷，揮箸怒軍屯。豔思調兵律，孤忠拜國恩。關河堪恃險，誰實棄夔門。

獨有吾鄉沈

雲英

全才足雁行，奇功貞女行。快戰美人壁，

壘凌譙國威。名過左營

指同時左良玉

空談經世略，我亦愧書生。

訪薛濤井和杏坡兄作

井花照影豔紅粧，纖手親淘水亦香。知己又逢章節度，詩

樓遷過碧雞坊

吟詩樓故址在碧雞坊李堯棟守成都重建於井畔

粉黛能詩命不如，凌波對影劇憐渠。虛銜也要清才受，誰

奏唐朝女校書

東坡說鬼太荒唐，還信邨家釀酒香

井水釀酒味頗醇

冷笑田洙

陸次山集

詩

七

真好事桃花墳裏贅新郎

社雨初晴草似煙，一溪春色入驢鞭。詩家利器馳聲久

詩洪

度贈祝秀才句

揮盡松花十萬錢

上灘行

江流激石浪花怒，行舟欲上不得渡。空霄一纜遲遲去，水聲震地響擊鼓。蜀道從來不砥平，東鎖巫峽西褒城。天梯石磴險復險，更有灘流愁難行。驟似飛瀑千丈瀉，駭如波濤風夜驚。訇然躍起縛不得，赤水沸騰蛟龍鳴。鳴境險筆巨寫，典狂酒欲灑。勢如騎虎猛難下，長流滔滔駛奔馬。壯士不能挽其瀉，五丁已死誰開山。蜀道真有登天難，奇峰壁

立助其勢灘聲直漚地欲穿我將一喚巨靈擘精衛銜石
填山川不憾造化偏又恐寰中奇境盡滅沒一任瑤池蓬
島誇飛仙捫胸默憶王陽語東望白雲生長嘆

下灘行

石濤雪湧珠斷跳島嶼壁立水勢驕蜀江深險不可測舟
子弄灘如弄潮前者喧呼後者應清聲四飛山動搖兩耳
衝雨風瀟瀟怒箭過眼入望遙大舟勢猛橈夫曉小舟如
葉隨風飄驟如巨魚縱大壑疾如健鶻落紫霄我欲挽之
無其力袖手旁觀自嘆息灘漲畏水枯畏石下漕不得輸
寸尺就之深淺失先機卽有妙手無奇策吁嗟乎紅塵一
陸次山集

詩

九

謫履險多謀生安敢辭坎坷飽裝書畫一船穩我生何苦
遭奔波那得銷我萬古愁覽盡山川供臥遊名花迎笑日
倚樓深谿泉香濯潔流飛夢不願歸瀛洲否則五湖煙水
尚空闊傾城載得浮扁舟

出三峽

一葉孤篷放急流萬重山水送行舟捫心恐負豪游興遲
看奇山戀益州

壁立峰嵐雲氣遲奔騰灘勢石根危年來搜盡靈山水題
作三巴第一奇

仙風送下碧雲端欲住空中住亦難回首巴東三百里猿

聲如雨落江寒

重過香溪

塞外人空去溪邊水自香
落花魂返漢春草夢還鄉
樹怪靈祠古苔肥畫壁荒
重來明月夜邨女隱山莊

夜宿南沱

出峽過空舸巴音耳少聽
山光沈遠水露氣澹明星
江月翻天白船燈逼石青
投詩讓河伯旅思夜冥冥

時阻風三日

至喜亭觀雨

歐陽公謂蜀船至此而喜故名

煙水蒼茫雲樹遙春歸客
路負花朝江浮雨氣天吞
吐山撼雷聲地動搖蜀險
已離諸葛陣楚歌誰和伍
胥簫石尤

陸次山集

詩

三

風急歸帆阻且喜開胸酒自澆

渡荆門山

明月孤舟夜殘春客子情
江長天際落船穩鏡中行
西望蜀山盡東流漢水平
五更衫露冷沙石走濤聲

荊州

山遠嵐光澹沙浮足跡深
夕陽千樹暝斜月半江陰
地闊宜雄鎮關巖壓壯心
承平論形勝亦解費沈吟

楚餓吟

有序

連年楚大水遂大饑荆宜間隄防四潰受害尤深
奸民蜂起務劫奪爲謀生殺人無忌竊思賑飢與

弭盜並行亦何大害救荒竟無良策斯民聽其飢
溺矣因成楚飢吟諸作非敢託小雅遺音要亦取
言者無罪聞者足戒之義嘗讀杜陵石壕吏元結
春陵行輒嘆其過激以今觀之殆有甚者故言其
所不忍言焉

荆楚大道飛黃沙餓夫蹢躅空咨嗟郊原禾黍飄泊盡死
人堆草紛若麻社倉空虛無積粟竟委劫數呼奈何惟有
優政嚴催科疏虎索租令太苛流民滿道鐵鎖響年荒那
保有室家撲筆忍做監門畫惟恐生命沈魚蝦或鬻舊山
邱或買親兒女關津難越愁羈旅盜賊蜂起何人拒安得

陸次山集

詩

五

契稷再生世民憂民溺惟吾濟祥麟滿郊逐羣斂頓使凶
年變富歲手提蒼生歸樂土我今空談終何補滂雨陰陰
風不曛遙天冥冥狐成羣楊稊拾盡草根死葬屍慘絕瀟
湘雲山樹萎黑江水赤毒氣蒸海流腥聞我對一樽酒不
忍時相把恨難化作萬斛菽粟連天瀉默坐篷窗作奇想
豈敢隨俗談風雅怒放扁舟已東下誰渡湘潭弔屈賈

捕盜歌

盜起不知捕云是逃荒民盜勢益以猛白日來殺人街市
喧呼誰實聞居然結黨張其軍飢者未臥死猶得捉刀呼
羣起飽者已傷刃荒煙短草飛鬼葬爲民則飢盜則飽趨

民爲盜胡堪問里民狀此控於官輿吏借此反索錢奸民
不捕捕良民邨墟老幼空長嘆君不見衙齋幽敞方尋歡
瑤卮綺食窮芳鮮嬖寵擁抱樂忘死賓客笑諱驚華筵萬
錢下箸嫌瑣瑣酒滌肉臭杯盤殘生靈同此大父母悲天
何獨戕愚頑乞丐號餓鬼哭此歌歌成淚盈掬目極千里
慘作客一天月色橫江白

城陵行

有序

城陵磯卽東陵也江之右岸有城陵山故磯以城
陵名見水經注山之南爲陵陽洞庭之出水出焉屈
原哀郢當陵陽之焉至卽其地蓋荆宜漢沔恃江

陸次山集

詩

三

陵爲保障城陵磯實頂其衝郢鄂沃野皆恃一隄
危哉險要也

江陵楚保障雲夢吞八九恃彼城陵磯獨當洞庭口水勢
自南來日月驚扁牖急浪高欲飛橫江天影走東陵寒潭
深夜靜蛟龍吼山遠地勢平恃險那能久報荒已三年何
術又黔首滔滔江水流欲借迴瀾手救災防未然當權慎
其守憂時吾未敢奇功仰不朽

辟穀謠

半醉抱花花底眠豔福那肯換飛仙畢竟神仙無眷屬一
身清冷空辟穀昔時戲言笑我狂手擲串珠呼兜娘酒壚

解貂今已悔恨不漂米流三湘人間遊戲可絕粒勝梯瑤
闕餐瓊粦目擊楚饑慘斷腸死者枵腹餓者僵便令奇才
謫上界亦恐濟時無醫方但聞仙人自有樂天上不苦謀
稻梁擬將日從赤松遊黃石一笑應點頭張良陰有扶漢
力出山四皓輕巢由吞花臥酒不療愁杜陵廣廈白傅裘
區區此願何日酬一記誓報白玉樓但恐導氣便證果未
必仙界能無求君不見饑來餐桃三度偷仙班古有東方
滑稽流

逆旅引

夜陰昏黑天無月逆旅思家豎毛髮先人遺體豈不惜盜

陸次山集

詩

三

賊風波隨出沒子胥奇士尚乞食我今吹簫空嗚咽蟬翼
高舉鸞翻折年荒無人市駿骨壯心耿耿猶未歇此身恐
墮蛟龍窟拔劍起舞光流青悲風爲我來洞庭游子欲歸
路阻停水聲逆鼻江濤腥長天慘淡醉未醒小詩敬祭湘
之靈蘭草滿船花滿瓶自遲所思遺芳馨九嶷仙子遙相
迎倒騎鵬背遊南溟水雲漠漠煙冥冥浩歌一曲天其聽

監利嘆

黑夜泊舟監利縣羣盜繞舟命一綫同舟相視慘無聲作
客真似浮萍賤火鎗猛起盜勢橫一盜入船來挑戰同心
尚恃客子多怒箭如雨賊膽顛逆旅有戎徹夜號傷心稚

子學操刀鷹鷂怒目不得擊摩天健翻何時豪達且不寐
整襟待昆弟相視顏色改我逢小劫還能逃呼天不應天
應悔倖脫虎口餘生在一身粒米浮滄海作詩聊續賜斷
聲苦心敢望輪軒采

漢口謁王文成公祠

舊德能傳第一人

文成父卽海日公

天生儒將好丰神道源派溯

姚江遠旭日風高漢水春蓋代勳勞仍講席千秋理學亦
名臣官儀猶是鄉先輩仰止文山俎豆新

文文山幼年入學宮見鄉先輩

有諡忠節者曰沒不俎豆其間非夫也

重登黃鶴樓醉還題壁

陸次山集



詩

三

荆衡形勝落臺端游迹重題下筆難帆影白搖山色動江
陰青浴日光寒一天雲雨杯中灑萬里乾坤眼底看仙去
我來誰是主長空望鶴獨憑欄

月湖送春曲

暖風吹樹落紅雨多少名花菱塵土游子尋春沒處尋追
上春心香一縷花落紅滿湖惜取少年姑傾囊買笑千金
盡挽得春宵半刻無春宵半刻畱不得投身欲入衆香國
婪尾開殘又棟花恩恩春事空相憶願天駐得豔陽姿風
捲楊花墮地遲湖雨乍晴防路滑泥郎扶住看山時

雨中登武昌城樓

古堞少人行長空一覽平流雲動山樹積雨沒江城風急
帆無影濤飛石有聲身高天可問聊自寄餘情

阻風

幾日積鄉思雲山不耐看雨聲江樹亂水氣成樓寒漫說
回帆易須知逆境難呼僮開甕飲身健更加餐

江夏題壁

爲訪名山愛遠行一春花事去無情楚娃誰唱題襟句漢
水長流飲恨聲過客有心還作賦奇才不用轉成名靈香
銷歇奔濤惡幾見芳蘭澤畔生

伍洲

子胥奔吳過此

陸次山集

詩

三

載橐偷關嘆士窮蘆花月黑隱漁翁知君覆楚應遺恨江
水猶如戰鼓雄

黃衫擁豔夜談兵我與靈胥合有情纖手勸杯還痛飲江
船燈綠有簫聲

舟泊九江憶元微之聞白樂天貶江州司馬詩有感
古人重交遊結契託壯志元九詞章客肝膽尚相示昏燈
落殘花冷雨逼宵寐垂死見交情一灑知已淚樂天古達
者軒冕本如棄晚節惜微之所貴重其誼三唐數才人詩
名卽身累只救王維死但寵李白醉詩伯詩鬼流虛聲耗
實事天上白侍郎忠耿厲政治反被才華誤立朝妬醜類

學如李贊皇觀詩恐違意奚論王涯讒謫作江關吏空抱
匡時才經濟掩文字天意憐介節佞人枉趨避可惜甘露
禍獨遊香山寺

夜飲琵琶亭酒闌書扇

笑披羅袖曳蘭薰打疊詩題白練裙捧扇乞書先試墨簪
花勸酒細撩雲綠楊冷雨愁蘇小翠被輕寒悵鄂君淚濕
青衫儂亦慣琵琶聲急話宵分

皖江謁屈子祠

現封忠
潔王

風雅須君繼天教澤畔吟波濤千古恨忠潔一生心賦體
開哀豔宇愁壓古今我來方袖手冷淚也沾襟

陸次山集

詩

美

先朝斷事方公祠

方公諱法字伯通四川南直人殉建文難沈於皖
江祠距屈子祠半里

降表羞書賀沈江尚寄詩夢歸巴子國魂伴屈原祠池水

濯清操庭松勾勁枝高風方氏族百世仰爲師

公爲方希
直門下士

故公詩有千載波濤
裏無慚正學師之句

泊蕪湖

橫江關不啟歸路滯行舟波動月光碎天空霧氣浮擁衾
尋遠夢把盞破新愁回首雲山險思親淚忽流

老樹晚花香
鷓聲亂夕陽
惠陵春寂寞
魂斷蜀山長

采石

輕衫快生風
放舟游采石
人影臥吞江
仰見新月白

太白樓懷太白

寄身花月自千秋
披得宮袍江上遊
第一古來稱快事
金錢撒盡過揚州

錢撒盡過揚州

臥醒花影酒衫香
垂老何堪到夜郎
得遂青山身後願
憐

才豈止郭汾陽

太白改葬青山見范傳正撰新墓志

自負詩篇繼國風
世皆欲殺恨何窮
才人學道原宜早
已

悔丹砂讓葛洪

陸次山集

詩

毛

曾訪匡山太白臺
登樓又弔謫仙才
新詩便倒清平調
可有楊妃捧硯來

烏江項王廟

目空千古是重瞳
手奪秦關付沛公
鉅鹿奇兵誰得似
破天無此好英雄

先王關中墮詐謀
稱臣負德况鴻溝
若教背陣烏江水
未必江山盡姓劉

事洩只宜誅項伯
量寬無用恨淮陰
勸君休說江東去
玉

玦難酬亞父心

楚歌帳裏殉紅粧
大度偏能納辟陽
拜倒刑餘眞膽力
竟

將本紀壓高皇

頭顱贈與馬童知鳥盡藏弓悔亦遲
是否未央宮裏血落花紅滿憤王祠

九里山虞姬廟

竟將垓下報鴻門九里山頭落日昏
深感大王憐絕豔敢碎賤妾矢貞魂
能詩尚和重圍別到死難銷一劍恩
碧血千年春草舞

虞美人草
聞歌自舞

長陵妖后莫同論

金陵懷古

金陵王氣暗銷塵
虎踞龍蟠迹已陳
脂井波紅七國恨
玉鉤草綠故宮春
煙花六代勞軍士
詞賦千秋哭美人
白鷺洲邊風露冷
翩然自感轉蓬身

詩

天

燕子磯

孤嶼浮江心
空影盪危石
薄暮登其巔
幽棲境凝碧
曲逕生夕陰
鐘聲出林樾
老樹積涼翠
一僧埽苔石
披襟迎松風
翻手掬蘿月
援藤踞磯頭
江流勢飄忽
停簫看雲生
人靜棹謳發
心空神自清
濯流表志潔
詩罷放舟去
東方忽已白

莫愁湖

四面湖光擁一樓
六朝小妓太風流
干戈紅洗秦淮水
長願君王共莫愁

秦淮雜詠

溝水浮紅送夕陽
愁痕春入柳絲長
恨天不護鶯花穩
慣使歌場作戰場

風流管領屬官家
宮女如雲滿帳紗
錯使才人作天子
宸章親製後庭花

儘有風情媚豔粧
密拋紅豆贈君王
蠻奴兵甲衝天起
可惜陳隋一樣亡

金陵王氣盡粧樓
勝國煙花又一邱
只賸秦淮千里月
莫愁湖上照人愁

不見金釵兩鬢垂
香魂沈井餞多時
美人名士都黃土
誰

陸次山集

詩

无

唱春江桃葉詩

楊花着雨半成萍
絮果前生喚未醒
燕子銜泥送春去
六朝金粉草青青

黃梅雨漲放輕舟
兩岸紅情夾水流
賸有南朝風味在
波光如鏡看梳頭

題隋煬帝看花圖

小隊宮粧一道斜
身當樂死只看花
世間不少韓擒虎
休向臨春笑麗華

晚過黃天蕩有感
宋南渡事

滾滾江流勢不平
瓜州星火兩三明
潮聲春撼金山寺
雨

氣宵昏鐵甕城雲水尚餘幽恨在英雄偏向亂時生靖康
何苦成南渡兒女還能將甲兵

游金山寺

欲窮煙水勝絕島送斜暉古塔擎天直驚濤拍岸飛山空
森佛相雲冷臥僧衣玉帶還畱否禪牀語化機

同杏坡兄遊北固山過寶晉書院遂遊甘露寺訪孫
夫人梳粧臺遺址日暮返舟紀詩四首

青山契逸性招我入林鷗石路曲可梯密樹晴若雨梵宇
露林杪影圓日卓午悵懷寶晉人江山跡已古

天下第一
江山舊本

米海
岳書頑石寂不言閒情問誰主

陸次山集

詩

手

登山嘯清風披雲動碧嶂鐵塔峙層巖壯士不敢抗遠眺
揚子江幻態未可狀低俯丹徒城迴環互相傍弟兄和詩
歌細籟答林響

靜遊甘露寺好鳥啼古木故址訪樓臺深悲寺僧俗頽垣
芳草青荒亭白雲宿敬弔孫夫人淚痕浣修竹仙風碧山
高奇葩激幽馥

欲借王喬鶴奮身遊八表俯視江山空體輕用已小不如
早還家庭幃日旋繞俊翮待順風青雲厲縹緲薄暮還扁
舟倦飛視歸鳥

漢昭烈試劍石歌

甘露寺前有奇石蘚文青赤苔花白劍氣騰空已化龍人
物猶爲後人惜當日奸雄爭并吞龍種特出旋乾坤君臣
濟會盡豪傑紛紛吳魏何足論中興不必大一統劍鋌試
就千山奔生前戰伐儘英烈兵退魚復氣猶傑創業艱難
中道崩絕險愚寇陰平入譙周片紙費無多褒谷夔門空
壁立我今覽古發幽情遠遊西過白帝城劍光躍出一杯
酒欲揭日月東南行北固山邊白石鑿隻手細捫神縱橫
雨淋日炙質不變壽考誓將與爾爭君不見永安宮裏野
草多劉郎浦口驚奔波千秋畱此一片石長使奇士空摩

抄

陸次山集

詩

三

丹陽

辭得波濤險船從京口還人聲喧午枕鄉夢近柴關河小
爭撐艇坡高碍看山篷窗花氣滿詩卷一身閒

毘陵

楊柳幾橋曲停船問酒家通程千里水翦綵一街花筍熟
香餐飯梅酸渴代茶樓頭睂月吐隔幔聽琵琶

泊楓橋

楓橋一曲小勾畱何處簫聲細欲流古寺黑沈雲外樹疎
燈紅出水邊樓泉香品酒沽新釀歌館尋花渡小舟夢繞
山塘風月窟欲移畫舫住蘇州

五人墓

曉游虎阜山西出閭門衢五人墓前過青草啼鷓鴣骨朽
名尚傑貴重用其軀奸璫竊朝柄俗子甘爲奴力能奪其
魄赴死豈云愚勇矣氣矜隆趨義亦吾徒匹夫尚有志千
載英風疎

虎邱夜遊

船燈微颺櫓輕搖低拜雙鬟折細腰月底珠簾齊捲起隔
花倚冷一枝簫
滿頭花影壓身孤生小羅敷未有夫愛忍夜寒嬌不睡挑
燈軟話自當壚

陸次山集

詩

五

吳舫琵琶曲

姑蘇女兒船爲家嫩如春水嬌如花破瓜年紀惹憐惜色
藝獨出工琵琶自言家在山塘住花裏紅樓門外樹弟子
能教魏國稱知音不怕周郎顧一朝歌笑上湖船凌波澹
印花中仙手挽長帶側身立風飄羅袖弱可憐江南蕩子
多好奇急喚狂生鬧歌席水閃紅粧燈滿船請彈一曲先
按拍細掄輕撲神與遭花移人影月兒高銀蟾濯魄玉壺
裏清聲敵得鬱輪袍倏忽氣肅將軍令四絃迸裂角弓勁
銜枚疾走按箭馳驟如險韻鬪競病殺機未了氣轉平普
庵一咒商音清梵籟細發乍離合腕底琳琅流琴聲

近時所傳

琵琶惟普庵一曲可配琴

填胸未吐英雄氣，指矢又作兵戈沸。鉅鹿軍

威，垓下歌寫生爭似史遷未鐵甲。一卸大海青水天空闊，音清冷波光月色盪空影。美人薄醉眠乍醒，知己相逢詎襟抱。人生遇合苦不早，喁喁低喚玉娥郎。欲祝情天終不老，曲罷爭贈紅羅襦。酒翻翠袂傾銀壺，座中握手各年少。難買扁舟浮五湖，青衫欲濕紅顏促。江州餘韻傳玉局，我題團扇作纏頭。吟聲飛入吳江綠。

真娘墓下作

雨後殘紅落有聲，誰攜麥飯哭傾城。多情一片山塘石，不

紀輿歌紀妓名

陸次山集

詩

三

卷心春草細含香，病豔秋花不耐霜。一笑世間名實事，青樓何處覓貞娘。

胥門

入楚鞭屍已雪仇，難銷只有沼吳愁。濤頭捲墓離文種，瞋目行成死未休。文種墓在臥龍山後墓碣爲諸稽郢所書江潮挾之浮海

垂死稱孤絕，可憐館娃宮殿萎。烽煙越師竟入君，無悔只恨分香到采蓮。

鴟夷出沒逐寒潮，敵國橫江鐵未銷。破楚門西秋雨冷，更無市上去吹簫。

平望

江闌人家隱衝風一棹歸邨低隨樹遠春去買魚肥帆影
橋心落船聲水面飛吳天紅入畫倚枕看斜暉

雨中登煙雨樓

南湖濕雲飛雨速倒影入樓瀉空綠山水正宜煙雨時闌
干倚暖看未足風搖楊柳亂泄霧水打鴛鴦新出浴倏忽
掃卻遠峰碧嵐光雲影自相逐酒狂喜做米家山潑墨模
糊動盈幅邨家屋頂炊煙起欲窮晚景借樓宿漁翁攜草
穿魚腮披蓑歸來飯初熟

新晴和前韻

白波飛雨跳珠速一夜洗出衆山綠晨起登樓看曉晴釣

陸次山集

詩

五

磯漁童競濯足白雲穿樹嶺外歸紅日盪影波心浴短蘆
忽見鷗鷺起平湖放鴨一竿逐都道昨宵新雨好前邨布
帆曬幾幅禾中煙景杭州亞過客不妨畱信宿一路籬花
煮繭香野店新煎春酒熟

舟中睡醒復倒壘前韻

往來山水尋夢熟輕衾時抱白雲宿興到輒卷煙樹歸筆
尖穿紙破邊幅手拓詩天化境開米顛倪懶共角逐新晴
欲雨悟衆妙山靈苦燥喜沐浴陶潛愛山本天性他日臥
遊應已足小樓高占西湖滑飽嚼溪雲吸山綠風聲隱隱
何處鐘一棹蘆花暮歸速

南湖新荷曲

新荷出水花無陰賣身作妾不許心同心欲縮與誰結相
思直到秋水深南湖多種蓮新葉浮田田露珠噴綠碎復
圓風來翻動湖心天萬柄撲煙低泛沚一花弄嬌遠出水
六郎年少嬌可憐半醉欹風扶不起小姑莫怨遲開花花
開那禁采采多又况息促送涼影花心滴碎秋露冷雨又
欺風又吹生小矜仙姿瞥眼成空枝粉殘香褪負所思滿
湖流水波傾脂託根非得所空悔離尺土擘藕不斷絲千
縷試看結子心獨苦那時回首橋東西輕紅嫩綠香一溪
青銅磨鏡皎碧水照見鴛鴦交頸棲

陸次山集

詩

五

石門道中

漸逐鄉心近芡蘿邨謠強半尚吳歌暖風煖繭春蠶熟新
漲分秧夜雨多梔子花肥香壓鬢女桑葉大影過河山莊
自得忘機樂水草池塘看戲鵝

湖樓觀雨

雨聲如霰隔花聽西子啼時醉未醒別後湖山無恙否仙
鬟未減舊時青

癖耽山水客吟身忽見西湖似故人花底殘春都去盡紅
香吹碎一溪蘋

還家

到家猶幸及端陽
驟問平安喜欲狂
卻笑鄉音還未改
鑑湖閒煞賀知章

陸次山集

詩

美

蜀遊圖題辭

畫邨老人

一從投筆走三巴
兵燹連天鬪鳥蛇
三十年來春夢杳
雄心看冷戰場花

蜀江水暖駟梅春
話到鄉關悔軟塵
今日還家問風月
一杯笑醉倦遊人

雲橫棧道雪陰昏
驢背尋詩入劍門
敢把名場誇薄俗
清貧願有好兒孫

蕭山王淳亞峰

詩人雅與山水宜
山水無如西北奇
共工觸天女媧補蜀
陸次山集

題詞

一

道之奇絕千古自來入蜀猶登天
排空絕地愁飛仙
七盤九盤不得上
行人到此駿馬旋
次山磊落奇男子
手持一卷行萬里
剪裁蜀錦作詩囊
收拾棧雲當行李
我聞蠶叢開國三萬四
千年斬新天地非
人間魚鳧乘虎上
碧落杜宇化鳥嗥
蒼烟天荒破出雲
雷怪神通畢現須
彌芥江聲動地魚
龍飛石棧逼天星
斗大絕壁何嵯峨
連厓何盤陀
摧三峽兮犀豹吼
五溪兮虺蛇苞
符奇氣鬱必發紅
羊歷劫難消磨
是氣所蒸爲烟雨
行雲朝暮高唐岨
劍閣淋鈴曲中語
次山從之引機杼
是氣所結爲樓臺
司馬琴心太白杯
少陵萬丈高崔巍
次山從之開襟懷
是氣所鍾爲人

物封侯一擲班超筆陣圖一局隆中膝次山從之振豪俠
是氣所盤礴發之爲文章龍門號史祖杜甫稱詩王江河
萬古誰能當三蘇繼起尤昂藏次山與之追逐叅翱翔楚
地花秦關月蒼茫陡起狂吟魄叢山刺刺黯鬚眉撒手懸
厓換凡骨四十一州如畫圖山川勝概無時無駟馬高車
何足數不如醉倒黃公壚我生苦爲塵緣滯未向揚雄問
奇字羨君意氣少年遊寫盡鸞牋造鳳樓生面獨開詩世
界五丁力士低頭拜圖中不是蜀遊人斯人早在青冥外
我彈蜀國絃淒聲掩抑摧心肝我歌蜀道難哀音迫促凋
朱顏況擲揄兮山鬼復悲號兮嶺猿青泥陡絕高插天風

陸次山集

題詞

二

風雨雨不得前淒涼玉笛三城戍崎嶇怕叱王尊馭何堪
鸚鵡報平安祇應杜宇催歸去次山大父今文翁能使滿
戶皆春風趨庭玉樹更奇爽斥揮八極開鴻濛棄襦等終
軍破浪慕宗慤拓我萬古胸窮我千里目平步上青天錦
城已云樂燈紅酒綠讀離騷一瓣心香舉杜若我聞灑灑
大如牛瞿唐不可流朝朝暮暮風波愁又聞隴頭流水鳴
嗚咽征人心駭腸幾絕廣武登城霸氣銷桓温入峽雄心
歇况復兵戈黑刦幾烽塵誰爲林泉作主人杜陵老去李
白死三巴久已無陽春君家匹馬秦川道珊珊玉勒風光
好冲霄紫氣動函關千山萬水都傾倒一齊飛上筆尖來

化作烟雲供揮掃君不見當年潘岳惠風和栽遍河陽滿
縣花又不見尋春杜牧眞仙骨判定揚州二分月江山全
仗偉人扶窗下埋頭豈丈夫君家眷屬補天手事業文章
俱不朽聯吟一路棣花香新愁舊恨銷何有與君細吟竹
枝詞與君拚醉藤枝酒兩腋清風蒙頂茶三眠雅態益州
柳青城王公橋中叟贈君玉塵三五斗裁雲翦月詩千首
松花十色珠璣走行行萬里氣如虹士龍本是雲閒龍旋
乾轉坤一枝筆雕鐫造化叅元功畫圖寫出佳公子分賤
題徧悲歌士天涯併作隴頭春不須更寄梅花使

雅歌消歇騷歌繼風華初入巴渝地蘭成哀怨少陵愁蜀

陸次山集

題詞

三

游竟作詩人例從古詩人例蜀遊蓉城花市足風流低徊
三百年來樂明月無情冷酒樓翩翩公子成西笑木蘭舟
泛湘江棹楚雲秦樹爲勾留青衫收盡囊中料一囊烟水
蜀遊還爲我長歌蜀道難蜀中山水甲天下詩魂酒魄隨
征馬七鎖三鉤古畫圖此日圖中應著我我遊廣武原暮
雲三戶炊烟寒我登隗囂郭落日秋飈起山谷我經魚浦
訪遺營駭浪風雷怒未平我望蠻城弔南詔洱河狼狽空
長嘯文君錦與薛濤箋翦取雲山壓一肩笑說此行良不
負槿花桃竹相新鮮示我圖一幅贈我詩一編咫尺波濤
萬餘里圖中客是詩中仙羨君此遊殊侷儻讀君此詩更

豪爽鬪風瘴雨逼人來
天半狂吟快奇賞
深情窈曲迷烟巒
鳥道百折當空盤
妙景虛明霏玉屑
峨眉千丈參天雪
金石碎訇不可摧
瞿唐急湍鳴奔雷
風日暄妍杳無極
錦江春水桃花色
意興直上凌虛空
健筆夭矯難爲容
有如巫山十二峰
一峰能化千芙蓉
冥冥落落路不通
宛在陽臺煙雨中
驢鞭到處風雲從
造物雕鏤詩世界
山水水詩中畫
畫格傳來蜀棧眞
鑱空變盡荆關派
君家隻手畫兼詩
夢雨情懷一點痴
芳草天涯何處寄
自拋紅豆譜相思
空船峽畔論詩客
罄欬音塵猶未隔
花紅玉白縱清狂
豪遊何必殊今昔
一段因緣爪印鴻
琴臺劍閣自春風
黃

陸次山集

題詞

四

金莫道無人鑄畫扇
家家又放翁

仁和吳藻蘋香

問誰歌青天蜀道書
生筆健能寫峨眉雪
化岷江水幅幅詩人
圖畫君看者看翠劈
雙峰劍閣連雲挂碧
雞試馬正紅友春招
綠章夜奏莫任海棠
謝奚童背古錦一囊
又卸浣花牋紙無價
杜陵茅屋秋風冷三
峽詞源長瀉遊倦也
但聽雨巴山剪燭西
窗話鶯谿綃把算家
近蓬萊夢回關塞且
乞鏡湖假

調寄邁陂塘

蕭山王紹蘭南陔

陸生英年毛羽軒燦如朝霞
臨風掀黃河落天胸次噴欲

窮河源先江源乃祖宦蜀鸞鳳騫負笈追從鶴出樊馬湖
烏蒙探本源岷眉峩峩八九吞吟肩輝映崑邱璠天梯石
棧光焯焯一枝妙筆鉤山魂畢游卷圖歸清溫往歲興到
叩我門謂我不可無詩圖中存噫嘻吾詩何足論唐白宋
軾徒虎賁行將下帷十年不窺園得暇攜子登崑崙一覽
北河兩龍奔振衣中顛隻手捫中國二龍大勢北龍
夾河之北南龍抱江
之南中龍中界其脈皆發於崑崙說詳徐霞客江源攷隻手捫龍蟠蛇倒山鱗賦海
噉

歸安 葉紹本 筠潭

劍閣山川足壯游天彭形勝踞雞雲羨君放眼峨眉頂別
陸次山集 題詞 五

有襟懷小九州

浣花詩筆擅陳芳千古才名錦里坊怪底詞源流峽水驚
人奇句滿奚囊

會稽 屠湘之 後園

朝向西湖游暮向西湖宿一湖三年看不足恐是次山眼
界蹙我謂次山眼界殊不蹙萬里省親曾入蜀烏道羊腸
兒戲探放腳踏碎岷峨綠摩厓自作孽窠書妙句欲起甫
坡讀丈夫才大無拘束須彌能伸芥能縮他年更賦知北
游定泛仙楂窮九曲

